

Exitoso prome edicion di torneo di golf riba nivel di 'PGA' durante e 'Aruba Cup'



ORANJESTAD - Durante dianan 15, 16 y 17 di december a tuma luga riba e cancha di golf na Tierra Del Sol, cual ta un auten-

tico Robert Trent Jones Jr. course, e torneo di nivel sumamente halto yama e 'Aruba Cup'.



E competencia a tuma luga entre e team di PGA TOUR Latino America y esun di Mackenzie Tour PGA TOUR Canada, unda e team di Latino America a logra gana esaki. Esaki ta e prome aña cu e Aruba Cup a wordo organisa y Aruba ta contento di por tabata anfitrión di un competencia di caliber di PGA.

Durante e lansamento di e

'Aruba Cup' e presidente di PGA TOUR Latino America, Jack Warfield, a indica cu e competencia aki ta uno importante pa e hungadonan demostra nan wegá y prepara pa otro competencianan mas pisa: "One of PGA TOUR Latino America core missions is to provide opportunities for players in the region to prepare their games for the highest levels of golf. The Aruba Cup is one more

opportunity for our players to showcase their game on a grand scale, and we're delighted we could bring this team-format to Aruba."

CEO di Aruba Tourism Authority, Ronella Tjin Asjoe-Croes, a elabora riba e papel di A.T.A. durante inicio di e copa: "The A.T.A. constantly strives to enhance our on-island product and visitor experience with special events such as the Aruba Cup. Our destination hosted a PGA Tour event for the first time 20 years ago – and is elated to see how that early relationship has transcended to this monumental tournament."

E colaboracion cu PGA Tour ta uno importante pa posiconá y atrae bishitantenan afluente riba nos isla. Aruba a y lo sigui ricibi amplio cobertura via ESPN Latina en conexion cu e 'Aruba Cup'. Na Januari e competencia di 'Aruba Cup' lo wordo pasa atrobe asina ampliando e cobertura internacional.

Participantenan di e inaugural 'Aruba Cup' a keda sumamente contento cu e competencia aki. Nate Lashley cu a forma parti di e ekipo di Latino America a indica cu esaki ta "Best tournament ever." E hungadonan a disfruta di Aruba tambe fuera di e cancha di golf y mayoria di nan a indica di lo kier bolbe bishita Aruba.

E ekipo di Latino America a titula campeon, clausurando e torneo di un manera exitoso. E ekipo y capitan di e ekipo Julian Etulain, a ricibi e prome copa Aruba for di Ronella Tjin Asjoe-Croes.

